

Ysgol I.D. Hooson
Heol Caradog
Rhosllannerchrugog
LL14 2DX
Ffôn: 01978 832950
Ffacs: 01978 832955
e-bost: mailbox@hooson-pri.wrexham.sch.uk



YSGOL I.D. HOOSON

Gorffennaf 17eg, 2020

PWYSIG

Annwyl Rieni / Gofalwyr,

Gan obeithio eich bod i gyd yn caw'n iawn. Rydych yn barod wedi derbyn gwybodaeth o ran dosbath eich plentyn ar gyfer Medi 2020, yn ogystal a gwybodaeth ynglyn a threfniadau eraill cyffredinol yn ymwneud a dychwelyd i'r ysgol. Yn dilyn cyhoeddiad Llywodraeth Cymru y bydd yr holl blant yn dychwelyd i'r ysgol yn mis Medi, hoffwn gyflwyno'r wybodaeth ganlynol i chi sydd yn fwy penodol ynglyn a'r trefniadau.

Ar gychwyn y tymor byddwn yn gweithredu trefn dychwelyd ble bydd y plant yn dychwelyd yn raddol i'r ysgol. Ni fydd pob plentyn a dosbarth yn dychwelyd yn syth ar gychwyn y tymor newydd. Bydd dosbarthiadau llawn ac oedranau penodol yn mynychu ar ddiwrnodiau gwahanol, a bydd peth newidiadau i amserlen y dydd, a fydd yn cynnwys amseroedd cychwyn a gorffen gwahanol i oedranau gwahanol yn ogystal a newidiadau i amserlen y dydd yn benodol yn ymwneud a threfniadau cinio.

Mi fydd wythnosau cyntaf y tymor yn cael ei defnyddio i ail gyflwyno dosbarthiadau yn ôl i fywyd ysgol, a bydd yn gyfle i nifer llai o ddosbarthiadau fynychu ar yr un diwrnodiau dros y cyfnod hwn, ac yn rhoi cyfle i ni fel ysgol roi cynnig ar y newidiadau yn y trefniadau yn raddol, wrth weithio tuag at i bob dosbarth ddychwelyd erbyn dydd Llun Medi'r 14eg. Ar gyfer y cyfnod cychwynnol, bydd gweithgareddau ar gyfre cefnogi'r disgyblion yn cael ei trefnu drwy gyftri Hwb eich Mae'r trefniadau yn rhai dros dro, a'r gobaith yw y byddwn yn gallu gweithio tuag at ddychwelyd i amserlen a threfniadau arferol yr ysgol.

Yn dilyn arweiniad gan yr Awdurdod Lleol, byddwn yn defnyddio'r cyfnod o ddydd Mawrth Medi'r 1af hyd at ddydd Mercher Medi'r 2af fel cyfnod i baratoi ar gyfer y plant yn dychwelyd i'r ysgol. Nid dyddiau hyfforddiant fydd rhain fel y trefnwyd yn wreiddiol. Mae'r dyddiau hyfforddiant staff hyn yn awr wedi ei hail drefnu ar gyfer dydd Llun 22ain o Chwefror 2021 a dydd Gwener 26ain o Fawrth 2021.

Ar ddydd Iau Medi'r 3ydd, bydd y grwpiau cyntaf o ddisgyblion yn cychwyn mynychu ac yn dychwelyd i'r ysgol. Ar hyn o bryd, bydd disgwyl i bob disgybl sydd yn gallu, i fynychu ysgol yn mis Medi. Rydym yn ymwybodol y gall y sefyllfa o ran y Coronafirws newid, felly os fydd unrhyw newidiadau arwyddocaol a all effeithio ar drefniadau dychwelyd i'r ysgol yn mis Medi, byddwn yn eich hysbysu cyn cychwyn y tymor.

Byddwn wedi ail-ymweld a asesiad risg covid -19 yr ysgol, ac wedi derbyn cyngor yr Awdurdod Lleol ar hwn cyn i'r plant ddychwelyd. Byddwn yn ymdrechu i osgoi cymysgu grwpiau eang o ddisgyblion, yn atgoffa'r plant yn rheolaidd am reolau ymbellhau a golchi dwylo rheolaidd. Byddem yn gwerthfawrogi eich cymorth gyda hyn, drwy atgyfnerthu'r negeseuon pwysig hyn adref er lles a diogelwch pob plentyn ac oedolyn sydd yn gweithio o fewn yr ysgol. Byddwn yn disgwyl cydweithrediad llawn gan bob plentyn o ran y rheolau hyn. Os y byddwn yn gweld fod unigolyn, yn ei chael hi'n anodd i gadw at y trefniadau a'r rheolau, ac yn rhoi eraill mewn sefyllfaoedd anghyfforddus neu beryglus, byddwn yn cysylltu gyda rhiein/ofalwyr er mwyn trefnu i'r unigolyn gael ei gasglu o'r ysgol er mwyn cael cyfnod hirach o ymarfer y rheolau hyn yn ddiogel adref.

Mi fyddwn yn cyflwyno rhai newidiadau i'r amseroedd gollwng a chasglu. Gofynnwn i bob rhiant wneud pob ymdrech er hwylustod y trefniadau yn ogystal a rhesymau diogelwch, i sicrhau fod y plant yn cyrraedd yr ysgol yn brydol ar gyfer yr amseroedd cychwyn a nodir. Byddai yn hwyluso'r trefniadau yn fawr iawn os y gall y rhai ohonoch sydd yn gallu, i gerdded i'r ysgol gyda'r plant gan osgoi dod a cheir i mewn i gampws yr ysgol. Ar gyfer y rhai ohonoch ble mai dod mewn car i'r ysgol fydd yr unig opsiwn, dylid gwneud pob ymdrech i ollwng eich plentyn o fewn cyfnod byr o amser, ac yna unwaith y byddwch yn gweld fod eich plentyn wedi cael mynediad drwy giat yr ysgol ble bydd staff yn goruchwyllo, dylid symud unrhyw gerbyd yn syth o faes parcio a champws yr ysgol. Gofynnwn hefyd i gerddwyr symud oddi ar gampws yr ysgol unwaith y byddwch yn gweld fod eich plentyn wedi cael mynediad i mewn i'r ysgol. Ni ddylid cyrraedd yr ysgol dim mwy na 5 munud cyn yr amseroedd a nodir ar gyfer cychwyn sesiynau eich plentyn. Yn yr un modd, ni ddylid cyrraedd yr ysgol dim mwy na 5 munud cyn amser casglu eich plentyn ar ddiwedd dydd, ac eto symud yn brydlon oddi ar gampws yr ysgol, unwaith y bydd eich plentyn wedi ei gasglu.

Cyrraedd / Mynd adref - Yn y bore, bydd y plant yn dod i mewn i'r ysgol drwy'r giat flaen sydd ar ochr dde yr adeilad o'r maes parcio. Ar ddiwedd y dydd, byddwn yn agor y giat ar gyfer rheini/gofalwyr y plant o ddosbarthiadau penodol. Unwaith eto, os mai am 2.45 y bydd eich plentyn yn gorffen, yna dim ond rhieni y plant o'r dosbarthiadau hyn a ddylai ddod ar y buarth i gasglu'r plant. Bydd hyn yn ein cynorthwyo gyda'n trefniadau i leihau y nifer o bobl fydd ar y buarth ar yr un amser. Unwaith y bydd eich plentyn wedi ei ryddhau i chi, dylech ddilyn y system un ffordd drwy fuarth yr ysgol, (smotiau melyn ac arwyddion), at y mynediad ar ochr arall yr adeilad.

Yn y dosbarth - Bydd yr amserlen ddyddiol yn wahanol i'r un arferol.

Bydd amseroedd cinio ac egwyl ar amseroedd gwahanol i grwpiau gwahanol.

Bydd rhai plant sydd yn dod a brechdanau i ginio, yn bwyta cinio o fewn y dosbarth.

RHAID sicrhau fod bocs bwyd wedi ei labelu gyda enw'r plentyn. Bydd sbwriel bocs bwyd yn cael ei ddychwelyd adref yn y bocs bwyd.

Ni roddir caniatad i'r plant ddod a eitemau, cas pensiliau, offer, teganau o adref. Bydd y plant yn defnyddio offer cyfyngedig yn y dosbarth.

Bydd amserlen benodol ar gyfer toiledau. Bydd cyfleoedd rheolaidd i ddefnyddio'r toiled yn ystod y dydd.

Cinio - Mi fydd cinio ysgol ar gael i'r rhai fydd yn dymuno, o ddydd Iau Medi'r 3ydd ymlaen.

Clwb Brecwast & Clwb ar ôl ysgol - Gan y bydd gwasanaethau clwb brecwast a chlwb ar ôl ysgol ar gael, bydd rhai sefyllfaoedd yn codi ble na fydd yn bosib i gadw grwpiau oedran arwahan yn gyfangwbl ar bob cyfnod o'r dydd. Dylech fel rhieni/gofalwyr fod yn ymwybodol o'r sialensau sydd yn ymwneud a hyn. **Dim ond i rieni/gofalwyr sydd heb unrhyw opsiynau eraill ar gael iddynt o ran gofal plant y byddwn yn cynnig darpariaeth clwb brecwast a chlwb ar ôl ysgol. Os oes rhaid gwneud defnydd o'r clybiau hyn, bydd angen i chi sicrhau eich bod wedi gwneud cais am le yn y clwb brecwast ac yn y clwb ar ôl ysgol gan mai nifer cyfyngedig o leoedd fydd ar gael.** Bydd y clwb brecwast ar gael o 7.55 ymlaen, bydd cost o £1 i ddisgyblion sydd yn cyrraedd cyn 8.15. Ni fydd mynediad i'r clwb brecwast ar ol 8.30. Bydd clwb ar ôl ysgol ar gael hyd at 5.30. Cost y clwb ar ol ysgol yw £3.50 hyd at 16.30, ac yna £3.50 ychwanegol hyd at £17.30. Dychwelyd drefnu lle yn y clybiau drwy Miss Lowri Jarvis JarvisL7@hwbcymru.net neu drwy swyddfa'r ysgol mailbox@hooson-pri.wrexham.sch.uk

Byddwn yn cymryd camau priodol megis golchi dwylo ac atgoffa plant i osgoi cyswllt agos gyda'i gilydd.

Gweler yr amserlen ar gyfer cychwyn y tymor. O ddydd Llun Medi 14eg, bydd pob dosbarth(heb law am y dosbarth meithrin) yn mynychu, gan ddilyn yr un amseroedd a ddefnyddwyd yn ystod y sesiynau cychwynnol. Ar y dyddiau pan na fydd eich plentyn yn mynychu dros y cyfnod paratoi yma ar gychwyn y tymor, bydd gweithgareddau dosbarth ar gael i'ch plentyn drwy gyfrif HWB eich plentyn, gan gael mynediad i Google Classrooms. Bydd hyn yn galluogi i'ch plentyn barhau gyda peth gwaith adref.

Llun/Monday	Mawrth/Tuesd.	Merch./Wedns.	Iau./Thursd. 3.9.20	Gwen./Frid. 4.9.20
			Derbyn/Reception (Grwp1 / Group1) Bl. 1&2 / Yr.1&2 9.15 - 2.45	Blwyddyn 3&4 Bl. 5&6 / Yr.5&6 (dosbarth Mr S.Owen) 8.55 - 3.00
Llun/Monday 7.9.20	Mawrth/Tuesd. 8.9.20	Merch./Wedns. 9.9.20	Iau./Thursd. 10.9.20	Gwen./Frid. 11.9.20
Nursery/Meithrin 9.30-11.30 Bl. 5&6 / Yr.5&6 Dosbarth Mrs M Williams Miss E Evans 8.55-3.00	Nursery/Meithrin 9.30-11.30 Derbyn/Reception (Grwp2 / Group2) 9.15 - 2.45 Bl. 5&6 / Yr.5&6 (dosbarth Mr S.Owen) 8.55-3.00	Nursery/Meithrin 9.30-11.30 Blwyddyn/Year 3&4 Bl. 5&6 / Yr.5&6 Dosbarth Mrs M Williams Miss E Evans 8.55-3.00	Nursery/Meithrin 9.30-11.30 Derbyn/Reception (dosbarth cyfan Whole class) 9.15 - 2.45 Bl. 1&2 / Yr.1&2 9.15 - 2.45	Nursery/Meithrin 9.30-11.30 Blwyddyn/Year 3&4 Bl. 5&6 / Yr.5&6(all) 8.55-3.00

Amseroedd cychwyn a gorffen dros y cyfnod dychwelyd i'r ysgol yn mis Medi.(3.9.20-11.9.20)

Meithrin/Nursery - 9.30 - 11.30
 Derbyn / Reception - 9.15 - 2.45
 Blwyddyn 1 & 2 - 9.15 - 2.45
 Blwyddyn 3 - 6 - 8.55 - 3.00

Amseroedd cychwyn a gorffen o Fedi 14eg ymlaen

Meithrin/Nursery - 9.00 - 11.30
 Derbyn / Reception - 9.15 - 2.45
 Blwyddyn 1 & 2 - 9.15 - 2.45
 Blwyddyn 3 - 6 - 8.55 - 3.00

Mae'r trefniadau ar gychwyn y tymor wrth i'r plant ddychwelyd i drefn ysgol yn mynd i fod yn heriol i bawb, ac felly gofynnwn yn garedig am gydweithrediad pawb gyda'r trefniadau hyn. Cofiwch gadw golwg allan ar wefan yr ysgol, Schoop, safle Trydar yr ysgol, yn ogystal a App yr ysgol ar gyfer gwybodaeth a newyddion arwyddocaol, yn arbennig wrth agосу tuag at gychwyn y tymor newydd.

Diolch yn fawr, gan obeithio y cewch chi a'ch teuluoedd haf heddychlon a phleserus.

Yn gywir,

Mr Rhodri Jones

Pennaeth